

湖南府縣志輯

中國地方志集成

乾隆長沙府志(二)

中國地方志集成

湖南府縣志輯 ②

乾隆長沙府志(二)

江蘇古籍出版社•上海書店•巴蜀書社

長沙府志卷之二十八

長沙府知府呂肅高纂修

洛陽張雄圖

寧鄉王文清

編撰

人物志

自班氏創人表而志人物者史不絕書雖然人物難矣必敦體達用而後人道立必事久論定而後人品真星沙川嶽挺生代有豪傑今為錄其事實著其圭居闢其幽隱一字之下鬼神司之不肯求不溢美不徇名而失實必論世以知人嗚呼高山仰止景行行止後起者可不念前事之師哉志人物第二十一

長沙府志

卷之二十八

一

漢

梅鋗益陽人高帝時為長沙王吳芮將時帝攻南陽遇鋗與偕攻析酈降之及項羽相持以芮功多封衡山王而鋗封十萬戶為列侯羽死帝以芮鋗率百越從入武關有功徙芮為長沙王鋗從之家益陽因姓所居曰梅山芮得江漢民心皆鋗之力按宋改衡山入字化是為安化人

古初臨湘人光武時遭父喪未葬隣家失火初制匄

極上以身捍火火為滅太守鄧暉異首舉之

祝良瀏陽人順帝時洛陽令值大旱暴身自責雨如

注時太尉龐參繼妻驚前妻子於井良案實發罪

有可以良不先奏輒辱宰輔逮詔獄洛陽吏民守

關請代詔原之出補九真太守時南徼蠻區凌犯

象林殺長史良單騎入賊招降徼外悉平

劉壽長沙人少時遇相師相曰凡鼻為氣戶君鼻大

貴之相後仕至太尉

文度字仲孺長沙人為郡功曹時霖雨廢民業太守

憂懼召度補戶曹掾度奉教齋戒在社三日夢見

長沙府志

卷之二十八

二

白頭翁謂曰爾來何遲度具白所夢太守曰昔禹

夢青繡衣男子稱滄水使者禹知水脈當通若掾

此夢將其比也明日果大霽

虞芝長沙人州命辟南陽從事太守張忠連嫻王室

罪名入重芝依法執按刺史畏勢召芝芝曰吾年

往志盡譬如八百錢馬死生同價且欲立效於明

時耳遂投傳去

按上三人依劉或長沙耆舊傳補入

陳平子長沙人與金鄉范式同到京師受業太學未

相見而平子病將亡謂其妻曰吾聞山陽范巨卿

烈士也可以托死吾沒後以屍埋巨卿戶側乃裂素爲書遺之時式出行還省書感愴向墳揖哭以爲死友乃營護平子妻兒自送喪於臨湘未至四五里許委素書柩上哭別而去

按舊志載范式陳平子俱長沙人考漢書式金鄉人平子長沙人今正

三國

蔣琬字公琰湘鄉人以州書佐隨先主入蜀除廣都長先主至廣都見琬衆事不理又沉醉大怒將加罪諸葛亮曰蔣琬社稷之器非百里才爲政以安

長沙府志

卷之二十八

三

民爲本不以修飾爲先乞宥之然坐楚免官頃之召爲尙書郎累官至長史加撫軍將軍亮住漢中琬統府事常足兵食相供給亮每言公琰托志忠雅當共贊王業密表後主云後事宜以付琬亮卒以琬爲尙書令俄加行都護假節領益州刺史遷大將軍錄尙書事封安陽亭侯時亮初喪遠近危悚琬舉止如常衆望漸服元熙初詔琬屯軍漢中又命開府旋加大司馬時東曹掾楊戲督農楊敏多慢毀琬琬絕不計後欲乘水東下襄魏後主遣黃郈諭旨琬承命上疏迺還住涪數年以疾卒葬

於涪諡曰恭子斌嗣爲綬武將軍漢城護軍斌弟顯以才學稱

按舊志載黃忠考三國志忠傳無世居長沙語今改入名宦

桓階字伯緒長沙臨湘人父勝爲尙書著名南方階初爲郡功曹太守孫堅舉階孝廉除尙書令父喪還鄉里會堅擊劉表戰死階冒難乞堅喪表義而與之後曹操與袁紹相拒劉表舉州應紹階說太守張瑒拒紹歸探表攻羨死階遂自匿久之表辟爲祭酒欲妻以妻妹皆拒之後操辟爲丞相掾主

長沙府志

卷之二十八

四

簡遷郡太守文帝時累官至尙書令封高鄉亭侯徙封樂鄉侯邑六百戶卒諡曰貞子祐早卒追贈關內侯次子嘉嗣尙升遷亭公主弟纂散騎侍郎爵關內侯三子會嘉平中以樂安太守與吳戰沒諡壯侯子邳嗣孫陵字元徽有名於晉仕至樂陽太守

按階有三子舊志僅書嘉而遺祐會且誤以壯侯爲嘉諡今據史補正之

晉

桓雄長沙人少任州郡諱王承辟爲湘州刺史主簿

王敦之逆承為敦將魏又所執佐吏奔散雄與西曹韓階從事武延并毀服為僮豎承向武昌又見雄姿貌長者進退有禮知非凡人有畏憚之色因害之

武延韓階俱長沙人廉謹篤慎素為閭里所敬愛譙王承辟為議曹祭酒轉西曹書佐及承為魏又執送武昌階與桓雄及從事武延隨承左右雄被害階執志愈固及承遇禍階延營殯歛送柩還都朝夕哭奠葬畢乃還

長沙府志

卷之二十八

人物

五

按史韓階自有傳武延附見無鄉貫舊志以為俱長沙人不知何據姑存俟攷

虞悝虞望長沙臨湘人兄弟並有士操孝弟廉信為州里所稱少任州郡迭為治中別駕譙王承臨州知其名悝悝為長史未到遭母喪承往弔曰王敦作逆國祚危古人墨衰即戎卿兄弟南夏翹雋智勇遠聞豈得遂罔極之情忘忠義之節乎悝望曰天朝中興人思晉德悝望並受國恩敢不自奮但鄙州荒僻難以進討宜且收眾固守傳檄四方勢分而後圖之可也承乃命悝為長史望為司馬督護諸軍湘東太守鄭澹王敦妹夫也不順承旨

遣望討之斬澹以狗及魏又來攻望力戰死城破悝復為又所執將加害子弟對之號泣悝謂曰人生會有死合門為忠義鬼亦何恨哉王敦平贈悝襄陽太守望雲陽太守遣謁者至慕祭以少牢

易雄瀏陽人少為縣吏念卑賤無由自達乃脫幘掛縣門去既而為州主簿張昌亂執太守萬嗣將加害雄與賊爭論曲直賊怒叱使牽出斬之趨走自若賊又呼問對如初如此者三乃舍之雄遂知名舉孝廉累遷別駕未幾謝去後為春陵令王敦犯順奉刺史譙王承命馳檄列敦罪惡宣募縣民千人從之堅守雄首奮忠義列敦罪惡力屈城陷為魏又所執送武昌敦遣人以檄示雄而數之抗詞不屈敦憚其辭釋弗問尋復遣人殺之明封宣陽別駕之神每年八月十四誕日有司特牲致祭祀鄉賢

長沙府志

卷之二十八

人物

六

按舊府志載洞庭老人嘗劉琦今移老人入趙宋時查琦係元臨湘人元時臨湘不屬長沙故刪之
鄧審字長真長沙人少有志氣常推誠行己能以正直全於多難之時刺史譙王承而為主簿承為魏

父所敗又誅承黨求騫甚急鄉人皆爲之懼騫笑曰欲用我耳彼新得州是其求賢時也乃詣父又喜曰君所謂古之解揚也以爲別駕騫有節操識量宏遠與人交久益敬太守庾亮稱爲長者歷武陵始興太守遷大司馬卒於官

鄧粲長沙人騫子少以高潔著名不應州郡辟命荆州刺史桓冲請爲別駕粲起應召同志識其改節粲答曰足下可謂有志於隱而未知夫隱隱之爲道朝亦可隱市亦可隱隱初在我不在物也後以病乞骸骨歸著作書名見後總目

長沙府志 卷之二十八 人物 七

士機字令明長沙人父毅爲廣州刺史甚得南越情機美姿儀倣儻有度量陳恢之亂機年十七率眾擊破之常慕王澄爲人澄亦雅知之用爲成都內史

王矩字令式機兄美姿容每出觀者盈路初爲南平太守以討陳恢功遷廣州刺史

南北朝

孫曾濟長沙臨湘人居喪未葬隣火將及號慟伏棺上以身蔽火隣人往救已悶絕累日乃蘇

歐陽頌字靖世臨湘人祖景達任梁爲長沙治中父

僧寶北騎校尉爲郡豪族少質直以言行著稱父喪哀毀家產讓諸兄廬麓山寺旁專精習業博通經史梁時從將軍蘭欽征討苗獫以功進直閣將軍欽卒湘衡五十崗不賓願爲都督悉討平之欽弟裕攻始興招願不從遂攻願陳武帝入後敗裕梁元帝封願新豐縣伯徧問朝宰各舉所知羣臣未對曰吾已得一人矣歐陽願甚公正有匡濟才恐蕭廣州不肯致之乃授武昌刺史時蕭勃在廣州果留不遣及勃度嶺以願爲前軍都督周文育破擒之送於武帝得釋封始興縣侯後授安南將

長沙府志 卷之二十八 人物 八

軍攝伏交廣十九州陳武帝進征南將軍天嘉四年薨贈司空諡曰穆子紇亦以武畧著

按舊志列羅紹威攷紹威五代時人今正

徐偉潭州臨湘人事母至孝母死毀瘠啞血服除舉

孝廉不就去之陸渾縣解落山中教授生徒依以

居者三百餘人歲荒貧不舉子者皆給養之人感

其惠所舉子皆以徐爲名八子皆知名時號徐氏

八龍有奴善叛所識欲令售之偉曰不可奴往必

逃豈可虛受其直乎

按偉南北朝人舊志誤編趙宋王价後今正

唐

歐陽詢字信本，顏之孫，敏悟絕人，讀書輒數行，同盡博貫經史。仕隋為太常博士，唐高祖徵時，數與遊。既即位，累擢給事中，詢倣王羲之書，險勁過之。尺牘所傳，人以為法。高麗常遣使求之，貞觀初，唐太子率更令弘文館學士封渤海男，年八十五。

歐陽通，詢子，少孤，母徐教以父書，通刻意臨，倣與父齊名。號大小歐陽。體儀鳳中，累遷中書舍人，母喪，給奪哀，入朝，徒跣及門，夜直，藉藁寢，年饑，未克葬。居廬四年，不釋服。冬，月家人以匭絮潛置席下，覺

長沙府志

卷之二十八

唐人物

九

卽撤去，累遷殿中監，封渤海子。天授初，轉司理卿，判納言事。會舍人某請以武承嗣為太子，通與岑長倩等固爭，忤諸武意，下獄，死。神龍初，追復官爵。劉蛻，長沙人，字復愚，咸通間進士，先是荆州解送，多不第，及第自蛻始。時人謂之破天荒。後帝欲調令孤，高為蛻同官，蛻言：「高無家法，布衣竊卿相權，其父絢訴之，貶山陽，令寓潼川，垂老，瘞其文於梵率寺，為又祭之，著作書名見後總目。」

按舊志列羅弘信、攷立信、非長沙人，今刪入紹

威傳中

陳光問，茶陵人，方雅不妄，交讀書靈巖教授。生徒六十，不第，後登天復元年第，同登曹松、柯湜、劉象鄭、希顏俱六旬，時謂五老榜。屬國多故，歸舊廬，每月夜橫笛冷然，有御風意。

按五老榜，有王稀羽，無光問，柯湜作柯崇，俟考。譚山人號一峯，茶陵人，不詳其名。元次山刺道州，山人訪焉，次山有送譚子歸雲陽序，曰：譚子文學隱名山，山野隱身雲陽之阿，世如君何。

按舊志載易元吉，今移入方技

武瓘，益陽人，以能詩名，見全唐詩集

長沙府志

卷之二十八

唐人物

十

戴簡，長沙人，以文行累為連帥所賓，禮貢之，澤宮不願仕。好孔氏書，旁及老莊，有堂近東城，池環之，遊覽之勝為最。柳宗元有記。

王璘，長沙人，詞學富贍，應日試萬言科，請十書史各給筆札，口占授之，十吏手不停札，首題黃河賦，三千字，復為鳥散餘花落詩二十首，未停筆，已就七千言，時路巖當軸，召之璘，請候帝，巖怒，亟罷萬言科。璘杖策歸，放懷詩酒，與李羣玉遇於嶽麓，羣玉意甚輕之，因與聯句，璘占應敏捷，至芍藥花開，苦薩面櫻，欄葉散夜，入頭羣玉不覺屈服。

湖中老人逸其姓氏洞庭客呂雲鱗遇於君山索酒
數行老人歌曰湘中老人談黃老手披紫藟坐碧
草春來不知湘水深日暮忘却巴陵道東坡云唐
末有人誦此詩真能遁世如謫仙者流也

五代

羅紹威字端已長沙人祖讓北遷爲魏州人父宏信
爲魏州牧馬監值兵亂軍中立爲留後宏信死紹
威襲父爵性好學工書頗知爲文集書數萬卷開
館以延四方之士宏信在唐以其先長沙人故封

長沙郡王劉仁恭以兵十萬攻魏屠貝州紹威求

長沙府志

卷之二十八人物

士

救於梁大敗燕軍於內黃天祐初牙軍李公佐作
亂紹威誅之已而以計盡戮諸牙校會昭宗東遷
梁王卽位紹威取魏良材營樓殿浮河至梁東都
梁主以蕭何比之又馳書勸劉守光降梁梁王笑
曰紹威折簡勝兵十萬後每有大事多遣使問之
紹威時亦馳簡入曰使者相遇道中其事往往相
合又常伐木爲船以供漕運累拜太師兼中書令
卒年三十四贈尚書令諡貞壯

鄧匡時湘陰人其叔父鄧進忠於後唐明宗時以精
士有功受馬殷辟爲衡州刺史下岳陽終於官臣

時應補石鼓騎常侍時平攜族歸湘陰治白剋別
墅往來觴咏以終孫咸及科甲諸鄧皆其後也

劉昌嗣字繼遠湘鄉人後漢隱帝時爲磁相二州刺

史治有異行隱帝被弑昌嗣憤之攜老幼避地衡

山馬殷子希範招以賓禮不赴周行逢逼以爲掾

昌嗣曰吾嘗致身漢代縱不能爲晏齊獨不可效

梅福乎乃改姓范號愚叟率二子躬耕以給終身

廖偃長沙人父光圖廣順間馬希萼爲徐威所逼幽

衡山時彭師曷屈衡偃曰吾家世受馬氏恩盍輔

之率鄉兵與曷共立萼爲衡山王編竹爲戰艦以

長沙府志

卷之二十八人物

士

曷爲節度復求援於南唐唐主嘉其忠以爲左殿

直軍使兼萊州刺史後死王遠之亂

丁國淳字嘉會醴陵人仕晉爲夔州守有功德於民

歸沒於郡中南門外故居後顯靈庇佑鄉閭因建

祠設像祀之

王仝湘鄉人五代時爲土軍指揮使與蠻將戰死里

人爲立廟號王司徒廟在安化東五十里司徒嶺

宋熙寧間章惇開梅山奏之加封嘉應侯

范鐸湘鄉人五代時處士隱居縣南之三峯後人名

其地曰范鐸峯

宋

為文炳湘鄉人三國蔣琬後建隆舉賢良方正授寧

鄉令卒於官子孫遂家焉至彥明舉至五進士累

官兵部中書省兼國史大夫道林蔣氏皆其裔

王世則長沙人宋太平興國時進士第一舉中為

右正言與左正言尹黃裳馬拯伏闕請立元祐為

太子太宗怒黜知蒙州至道間為永州太守

許頰字仲先湘陰人孝行卓著淳化間母彭氏卒水

漿不入口者三日哀毀骨立葬踰月芝草生墓側

人以為孝感云通志作元許頰誤

長沙府志



卷之二十八

人物

十三

路振字子發湘潭人幼穎悟五歲通孝經論語十歲

聽講陰符百言而止父洵美責之曰百言演道足

矣餘何必學父奇之淳化舉進士太宗試厄言日

出賦嘉之擢甲科通判邠州後知濱州契丹至城

下兵少民恐振親加撫諭堅壁自守契丹引去劉

綜薦其能詔書褒美命振作祭戰馬文稱旨游歷

清要太中祥符初使契丹撰承韜錄以獻累官左

司諫擢知制誥振文詞溫麗尤長賦頌又采五代

末九國事作世家列傳未成而卒著作書名見後

總目子論太常寺奉禮郎

狄榮字輔之長沙人少隨父官徐州以文謁路振

愛之妻以女舉進士以大理評事歷仕外任知廣

州代還不以海物自隨人稱其廉累官太常少卿

遷龍圖閣學士歷判河南揚州諸府有中貴過郡

將授榮於上前榮拒之語所親曰吾湘中一寒士

今官侍從可以垂老自污耶

狄栗棊之弟任穀城令民多豪猾以法繩之歲饑米

貴發常平倉以賑有司劾其專擅帝特原之修孔

子廟禮器歐陽修稱為廉吏志其墓

狄遵度字元規棊長子以父任為襄縣主簿甫數月

長沙府志



卷之二十八

人物

十四

棄才撰春秋雜說擬作皇太子冊除侍御史製其

晉公傳人多稱之酷嗜杜甫詩常夢甫為補世所

未見詩及覺纔記十餘字因足成之為佳城篇後

數月卒

狄遵禮棊次子試秘書省知新縣有能聲陟駕部郎

黃庭堅志其墓謂睦家甚雍以仁為寶子七人多

有顯者

孫景修長沙人少孤母固知書教景修卒業咸平舉

進士仕至太常少卿比老追念母德撰賢母錄又

集古今家誡四十九人蘇頌續序之

丁雋醴陵人習春秋稱丁三傳兄弟十七人同居三百口家無間言大中祥符間詔旌其門

周式湘陰人以行義著為嶽麓山長祥符八年召見拜國子主簿命留講諸王宮式固辭仍歸

鄧咸湘陰人讀書好禮天禧間郡縣未有學校創義學於縣南延師訓族子弟及四方遊學士馮京鄭

獬常從之遊屢聘不起
鄧琪咸從子為豐城主簿常夜歸聞庫子曹從合家

聚哭呼問之從曰庫中失錢三百餘萬鴛子無售計必死固執執若死於家適與妻子訣耳琪遂拉

長沙府志 卷之二十八 人物 五
與歸翼日代輸之從獻二女不納後聞其嫁仍以

錢五萬助之
畢田長沙人博學能文工於詩真宗朝以吏部兼詩

講居經筵值天寒奏蠲臨湘七都科調里人德之
祀鄉賢

蕭注瀏陽人豪邁不羈工詩文慶歷時應鄉薦授岳
禹尉值儂智高反募兵力戰連挫賊鋒累立奇功

進官廣帥西上關門使
按宋史蕭注係新喻人事蹟相類存參

邵維湘陰人嘉祐間任率府正子五曰玘琥珪琢珣

克盡孝道兄弟同財產士大夫為書怡怡堂以表之玘珪皆舉進士

李受瀏陽人治平中累官天章閣待制神宗立遷給事中龍圖閣直學士上言臣在先帝時年已七十

不敢竊祿今又加數年筋力億矣惟陛下哀之加刑部侍郎致仕卒年八十贈工部尚書

彭亞湘陰人年十九登第治平時為秘書丞以母病乞歸養得旨以朝奉郎致政時年三十九

鄧忠臣湘陰人熙寧中為大理丞以獻詩賦為神宗所嘉擢正字遷考功郎復范宣公謚會黨議起入

長沙府志 卷之二十八 人物 五
元祐黨籍後贈直秘閣

葉蓋益陽人熙寧中試才難賦見者目為南瑞官知郴州

董南美字子才湘鄉人熙寧中以文行著隱居不求仕進東坡山谷嘗與之遊號碧廬居士

胥偃字安道長沙人少力學舉進士授大理評事累官至學士權知開封沂州地震偃言陽不勝陰之

象元昊叛請遣使問罪然後加兵八月霜雪暴至偃推洪範寒苦之咎請釋坐繫者從未減又辯坐

死者數人偃未仕時家有良田數十頃既貴悉予

族人歐陽修始見偃偃愛其文妻以女

齊元衡偃子有學行為尚書都官員外居官有能名子茂謹俱蚤卒偃妻直史館刁約之妹元衡妻韓氏茂謹妻謝氏三世寡居丹陽閨門有法江淮人至今稱之

彭天益攸縣人元祐間鄉薦崇寧中為太學博士以議論不合出為湖南提舉太觀初上封事力言權奸誤國年五十致仕居司空山儵然有物外意著作書名見後總目

譚申茶陵人政和間進士張邦昌僭位辟為屯田郎

長沙府志 卷之二十八 人物

申不拜會從子世勛死節申崎嶇兵間護柩歸葬後守瑞州歲饑民不能輸申請罷徵監司督愈急申堅持之坐降秩遂致仕歸老於昭潭郡人思之為立祠曰古潭

譚世勛茶陵人譚申從子由茶陵徙昭潭登元符進士教授郴州不喜王氏學曰說多屢更無不易之論又中詞學兼茂科除秘書正字時蔡京子攸領書局人爭翁附世勛泊如也梁師成願納交不答累年不遷京罷稍遷至吏部而京再相復罷久之遷吏部擢中書舍人以謹命令借名器等六事言

於上為當路所嫉出知婺州徽宗即位請止宣仁

謗史又言安石不宜配先聖何臬建言分置四道總管世勛力言不可金駟南下世勛言守邊為上策守河中策幸江淮下策再扈駕至金帥張良十言說其用事者詞意忠激金人聳聽張邦昌僭位令直學士院稱疾不起以憂卒建炎初贈端明殿學士諡端潔著作書名見後總目

譚中立世勛族人中童子科五歲時有隣父呼其名戲之曰既然譚中立如何衣不溼即應聲曰今早向東行太陽當面炙後仕至吏部侍郎文章治行

長沙府志 卷之二十八 人物

為世所推
長孺湘鄉人元祐進士建中時令瀏陽改奉議即權發遣靖州守後以言事落職其子弟俱有名
王以寧字周士長孺子以父蔭入太學即抗章雪父冤仕鼎澧師幕溪蠻嘯聚寧單騎入賊巢羈制其酋長上書中丞何臬有五憂之說靖康初金兵入寇召天下兵以寧至長沙走虜州乞師躬率入援解太原圍建炎中以宣撫參謀制置襄鄧論降羣盜桑仲等二十六萬歸而上章乞養老母以朝奉即致仕

何烈湘鄉人金人入寇烈叩閤乞賜對陳禦戎之策
卽日召對東閣報免烈有詩曰誓把愚衷畢此生
下少連醴陵人天聖時人性孝蓄魚供母網得大鯉
將烹之庖人驚呼魚頭生角魚已濱死少連祝曰
若變化分當再活試以水圍圍如初遂放之江流
至失鯉浦不見顯跡於金魚石事上聞詔建化成
坊以旌之

鄧淵湘陰人崇寧中第爲郵延經畧入奏邊機徽宗
嘉其敏捷遷虞部員外郎太觀初星變求直言淵

上封事劄切蔡京惡之左遷監酒終知懷州

長沙府志

卷之二十八 人物

十九

鄧孝臣湘陰人玉池翁杜門力學宣和間詔舉遺賢
屢辟不應年七十手不釋卷以行誼聞於世

彪虎臣字漢明湘鄉人嘗從胡文定公父子遊講明
正學不求進取子居正充嶽麓山長人稱彪夫子

袁顯益陽人矮身長髯勇敢過人建炎間湖寇楊公
猖獗顯請於縣宰魏舜臣圍鄉兵以捍之一日賊

傾寨來顯極力鏖戰爲賊所獲欲用之罵賊不屈
遭烹而死舜臣哀之具禮以祭祀鄉賢祠

孫方武長沙人某州學正金人入城方武率居民連
日巷戰金人四面縱火人皆休竄武挺身罵賊死

之祀於學

謝淳瀏陽人素有才勇建炎間袁州賊杜彥坂殺潭
州判孟彥卿淳倡衆擊賊不克死事聞贈龍圖閣
成忠卽其子晞古亦與難朱子刺潭祠之今燬

趙民彥瀏陽人建炎間賊殺孟通判民彥以民兵救
之於瀏陽城南依山爲陣殺俘甚重偶爲間者衝
陣破執死之事聞彥卿民彥俱加贈朱子請立廟
祀之

丁公膺醴陵人紹興初爲高郵尉拒金兵力戰死朝
廷嘉其忠節官其子倚終衡山令靖康間弟公億

長沙府志

卷之二十八 人物

二十

與兄公萬避難於鄉賊得公萬縛之將就烹公億
號呼願以身代賊義而捨之闔家獲全

按舊志載劉騎事蹟與劉順昌錡無異必屬傳
訛今刪去

盧元亮安化人紹興間居澧江積學能文操行醇固
胞弟九人元亮盡以財產給之人稱友愛祀鄉賢

鄧深湘陰人紹興進士爲太府丞提舉廣南市舶汪
澈薦其才擢潼川路轉運使鹽酒虛額大爲民害

深請蠲除守令貪汚卽劾免之虞允文貽書云不
畏強禦思濟斯民挺然之操近古未見後以朝敵

大夫終

鍾震湘潭人家南嶽山下築主一書院師事朱子講學於中湘南學者嚮風後真西山守長沙廷典郡教稱主一先生

尹長者名彥德茶陵人岳飛討賀賊曹成道經茶陵彥德謁軍門以牛酒犒軍三日飛曰君長者以富而不文當以一經教子後必有顯者彥德從之其後二孫果以科甲顯

謝英寧鄉人所居有石柱高聳廣可二三丈英讀書

其上將應舉聞岳飛被害歎曰此何時尙可有為

長沙府志

卷之二十八人物

圭

耶乃隱居道林教授鄉間著書自娛孝宗朝有薦

英才可用者累辟不就所著作書名見後總目

丁仁醴陵人登進士第叅淮蜀制幕高沙之變仁論

以順逆降之知無為軍依城築堰郡人感德名曰

丁公堰解合肥之圍進知太平軍湖北漕使退居

二十年卒年八十四

歐海茶陵人乾道中鄉舉時揚誠齋名重於世海持

所作往見誠齋曰汝器識遠矣文則未也合熟讀

孟子丁酉復見誠齋叩之喜曰子非吳下阿蒙矣

果登第知零陵有勸農十詩真西山謂其言易入

人心足為風化助遂以經義進理宗為之加點

李揆邇陽人舉乾道鄉薦授寧遠尉獲盜數十或謂可用賞援選揆曰殺人取榮吾不為也後字上高訟簡庭空有太平官府元無事聊放簽翁半日閒之句邑人安而思之累官至中書舍人

龔輿湘陰人乾道進士從朱子遊副介廉潔為湖東檢法隨憲按郡不受饋遺憲慚出其已受者還之後知萍鄉窮民通賦捐俸代輸終福建運幹身後家無僿石之儲

彭宗茂字尚英湘陰人少聰敏杜門讀易十五年後

長沙府志

卷之二十八人物

圭

始悟其義又二十年作易解漕使趙汝謙聞之具

禮招致日會諸生講明易義多士宗之

易嚴字彥祚寧鄉人淳熙中為翰林學士歷官禮部

尚書以時論不合論融州退閑三十年號山齋居

士著書自娛尋復原官轉朝議大夫賜紫金魚袋

封寧鄉開國男食邑三百戶廕過房子霖字巖父

淑浦縣主簿子彰字玉父澧州司戶參軍所著有

周禮周易總義易學舉隅禹貢疆理記漢南北軍

制周禮釋疑等書今其書無有存者寧鄉王文清

分纂三禮義疏時見中秘永樂大典內雜見被周

禮總義一書因令被族裔宗泥繕本藏於家

易茂字中甫寧鄉人被從子幼習舉子業已而棄之

以嚴整律身平居危坐終日榜其居曰靜吉靜游

叔祓為之詩曰萬事皆從忙處錯寂然不動乃能

通君看開齊規橫事却屬南陽高卧翁二弟初失

怙茂篤於友愛擇師教之開登進士第官內職

出繼叔父聯登仕版居官有能聲

湯璣瀏陽人淳熙進士累官國子博士時召朱子為

侍講未幾辭歸璣疏請追還仍任講職繇是見惡

權奸而璣直聲亦大振出知常州入為大理少卿

長沙府志

卷之二十八

重

進直徽猷閣卒璣負節樂閑居日多於教歷屬詞

務持大體不為阿曲言者劾其表奏語涉誹謗朝

廷知其無他故其起復制詞有清風峻節之語

丁容字南強湘鄉人淳熙間以人君正心以正朝廷

賦中鄉舉又以文德帝王之利器賦中進士第一

陳禦戎之策召對東閣仕至政議大夫禮部侍郎

理宗朝追贈銀青光祿大夫待制

黎貴臣醴陵人嘗從朱子受業講明道學多士宗之

吳獵醴陵人登進士第初主平南籍廣西經界張斌

徵攝靜江教授劉焯代斌斌以獵薦辟水司簿差

遣巨賊陷容處諸州焯從獵計平之光宗召試官

正字疏請親重華宮辭甚切又白時相乞召朱子

楊萬里二人陳傅良去正言止之寧宗初遷校書

郎諫修大內駁史浩諡請張浚配享又請石義士

保屯兵輸米以備金人除秘閣修撰知江陵府金

人劉襄德竟陵分道夾擊金人遁去值西土告警

充四川安撫制置使兼知成都府撫綏盡力經畧

有方嘉定召還卒家無餘貲諡文定蜀人思其政

畫像祠之初獵從張斌學朱子會斌於潭獵又親

炙充嶽麓山長

長沙府志

卷之二十八

重

彭宗孟字尚英湘潭人隱居好學不求聞達尤深於

易作易解始於屯蒙終於乾坤吳獵吳旂序其書

寘之學宮漕使鄧汝讜深禮之補陰志載彭宗孟為宗茂

陳宗說茶陵人嘗建汲古堂藏書萬卷民有被繫者

幾死宗說見而問之繫者曰逋負三百畝無以為

償宗說代償之湘中吳獵赴試道經茶陵貧不能

往宗說禮之獵果登第從子不肖盡棄其業宗說

弄於本部贖出入衡州茶陵二學

丁憲卒由省元歷官至禮部尚書政績闢風化游內

知名上深嘉之賜葬車岡山有文集傳世

羅仲孺字幼卿寧鄉人紹熙進士 郴州司理參軍

後召試館職除集賢校理擢戶部員外郎兼右諭

德以文學著聲

劉孝錫陳洪範李曉張奉世安化人並出粟以實真

文忠公義廉鄉人號為四君子

沈季賢字德章湘鄉人端重誠懇為時儀表寧宗時

經畧胡公薦為郴州桂陽主簿辭不赴隱居作亭

顏曰憩挹以終老焉

李燾瀏陽人進士慶元時授翰林學士文章政事為

時首稱贈其父誠如己官

長沙府志

卷之二十八 人物

五

楊祥唐天平節度使漢公後避地醴陵因家焉事以

以孝聞親歿哀毀泣血廬墓終身事聞於朝褒封

至孝公賜異木植墓道以旌之

楊大異子同伯祥十世孫從胡宏受春秋大義嘉定

中登進士第授衡陽主簿調龍泉尉以賑饑忤提

刑移遠安尉值峒寇擾民屢討不克大異攜一僕

入峒論以禍福皆伏罪請降以功遷吉州戶曹改

廣西經幹復以弭盜功除四川制置使參議比兵

陷成都大異從制使丁徽巷戰身被數創死闔門

遇害越宿復蘇部曲負逃獲免進朝奉即宰石門

縣就除通判溧陽大異以理學兼吏材判溧陽日

攝州事惠政尤夥比去官老弱黎甯易曳語去後

以直秘閣先後提點兩廣刑獄兼漕庾事所至奸

吏屏息盜盜絕跡民風不變凡宜輿革者必奏行

之由溧陽判擢知登聞鼓院遷大理寺丞平反冤

獄者七召對極言時政得失忤宰臣出知醴州理

宗曰是四川死節更生楊大異即論事體切有用

材也旬逾出之對曰是人尤長於治民遂命予節

廉庾進直秘閣提典廣東刑獄年未六十丐致仕

章四上除秘閣修撰大中大夫提舉崇禧祠醴陵

長沙府志

卷之二十八 人物

五

縣開國男食邑三百戶賜紫金魚袋歸甲大異隨

地振興文教於廣東岳張九齡故宅建相疑當作相

書院祀九齡於廣西建宣成書院祀張栻呂祖謙

錫里後請學授徒歷二十四年卒年八十二子建

別有傳

周顛字允升湘鄉人師事南軒嘗曰夫子謂與太極

合德則人與物皆有太極語止曰合而已南軒曰

天可言配指形體也太極不可言合太極性也惟

聖人能盡性人極之所以立也南軒問舜五十而

慕夷曰此即大人不失赤子之心南軒大喜遂留

受業焉

彭子達字夢規湘陰人爲國學奉名鄉舉八行由含

光尉監司歷江淮荆浙福建廣南等路提點坑冶

鑄錢司幹官

胡穎字叔獻湘潭人鄉榜秀異機警中童子科紹定

間登進士第歷官知平江府兼浙西提刑移湖南

提舉性不喜邪佞尤惡神異所至輒毀淫祠衡州

有靈祠吏民畏事穎撤之作來諭堂奉母居之復

爲廣東經畧安撫潮州僧寺有大蛇爲怪人信奉

之值早前守往禱見蛇驚死穎聞其事檄僧舁蛇

長沙府志

卷之二十八

文

至殺之毀其寺移節廣西尋遷京湖總領財賦咸

淳間幸穎爲人剛果博學士辭成文書判下筆千

言援據經史皆切中臨政善斷不畏強禦其在浙

西榮王府十二人行劫穎悉斬之一日輪對理宗

曰聞卿好殺意在浙獄穎曰臣不敢屈太祖之法

以負陛下非嗜殺也理宗嘿然

劉彥舉字士用寧鄉人端平進士累官翰林學士文

章爲時輩所推

譚昭寶字珍卿茶陵人提舉用式子五歲通五經能

屬文七歲應童子科中上第其謝啟畧曰七歲遠

雖於膝下九經流出於胸中著卦兼太極之圖達

矢效由基之射章尹雖異文解則同破雲州千古

之天荒駕月殿三秋之雲路啟上理宗奇之

工价善化人斬黃鎮撫使孔彥舟叛价開陳百端不

聽入罵曰逆賊恨不磔汝萬斷舟怒并价家屬沉

之龍眼機

鄧標益陽人七歲能文邑令命破白頸烏鴉立應曰

渾具乎色之元間具平色之素太極中之一物也

十歲學士胡貴以墨命題標曰一寸龍香一寸金

仙家傳藥不傳心得來莫作尋常看千載文光在

長沙府志

卷之二十八

文

翰林十三歲卒

譚世選茶陵人以上書補官五薦漕臺三爲舉首興

情悅服

陳漢文茶陵人好義善施居蒲冲民苦旱漢文乃疏

東江堵之爲陂可溉田百畝一方利之教人興孝

弟之行不卒於鄉者憚爲所知子斐刺史孫隱聞

州通判曾孫崇崖山令人咸以爲積德之報云

皮龍榮字起霖一字季遠醴陵人淳祐進士歷官至

宗學教諭兼資善堂直講入對言一過改而一善

著百過改而百善融累官至刑部尙書兼翊善景

定初叅知政事未幾封長沙郡公咸淳後罷官徙
衡州龍榮少有志畧精春秋學有集見後總目

賀德英湘鄉人七歲能文淳祐丙戌父以訟繫獄乃

詣縣自陳乞試以贖父罪令問所習對以通毛詩

春秋語孟策與詩賦令各出一題援筆立就遂薦

於朝與金起巖等同試德英第一年十四端午日

作詩云只因錯寫天文表流落人間一絕零擲筆

而逝

柳友直安化人遊太學有盛名以憂歸罹兵火甘貧

孤潔不妄干求或教以治生日伯彛亦治生耶

長沙府志

卷之二十八

人物

彛

彭介湘陰人居官公廉所至多奇績吏民心服嘗夜

聞厨中有聲窺之見一人具王者服曰我竈君也

為公理家事

彭子民湘陰人為廣西察訪董秘之屬官時東坡謫

儋州董媚時宰欲遣人害之彭顧泣曰各有子孫

董感悟止子民官至員外郎年四十六以通判邵

州致仕將再用不就加朝奉即賜五品服

李申之湘陰人知全州灌陽未滿乞致仕轉承事即

歸杜門讀書號勇退居士州長辟之不納

黃振湘陰人雍容和穆友于兄翁領鄉薦赴省未歸

時兄弟方議析產振貽書於兄玩曰地擇佳者與
幼弟穉者是振所得鄉評禮之後登第為鼎州司

司

許益字損之湘陰人領衡陽主簿母喪三年不入室

有司舉孝廉改授鼎州龍陽縣令歸建寓軒居之

不再起

直桂可字可山湘潭人博通經史及門受學者以百

計其名在劉須溪趙青山之間

彭淵湘陰人邑庠劉廷厚雅重之時湘陰縣宰未帶

武銜三寨兵頗抗恣劉患之彭曰何不引益陽例

長沙府志

卷之二十八

人物

字

乞帶此銜劉因請於州得上聞詔許依例寨兵受

轄實彭發之

陳道周湘潭人少孤家貧奉母至孝自進盥饋必拜

侍膳未徹不敢退無大故不暫離母母歿廬墓所

身自陶磚鬻墓日成五甓泣拜進之觀者傾滄歷

四年鬻墓高三丈甫成而周繼死葬母墓側鄉人

樹碣曰孝子墓

鄧維字公持湘陰人刻意向學不求聞達所居有臥

雲堂中書蔡靖與之友善稱為臥雲先生

趙淮善化人德祐中戍銀樹壩兵敗為元人所執至